

讀史方輿紀要

讀 史 方 輿 紀 要

第 四 冊

顧祖禹輯著

中 華 書 局 出 版

讀史方輿紀要

卷六十九

四川四

夔州府。東至湖廣歸州三百三十里。南至湖廣施州衛五百里。西至重慶府忠州七百里。北至陝西平利縣八百四十里。自府治至布政司一千九百里。至京師六千九百八十里。

禹貢荆梁二州之域。春秋爲庸國地。後屬巴國。戰國時屬楚。秦屬巴郡。漢因之。後漢末置固陵郡。又改爲巴東郡。三國漢因之。晉志。獻帝初平元年。劉璋分巴郡立永寧郡。建安六年。改永寧爲巴東郡。二十一年。先主分巴東立固陵郡。章武元年。又改固陵爲巴東郡。前巴東郡爲巴郡。晉仍曰巴東郡。劉

宋泰始五年。置三巴校尉。領巴東等郡。蕭齊兼置巴州。尋省。梁置信州。

皆治白帝城。

後周因之。

劉昫曰。巴東。隋周改永安郡。

廢郡。仍曰信州。

隋志。後周置信州總管府。大業初始廢。

大業初。復曰巴東郡。唐武德初。仍曰信州。二年。改爲夔州。

高祖母。獨孤信女也。諱信。

改爲夔州。尋置總管府。又改爲都督府。

天寶初。曰雲安郡。乾元初復故。

劉禹錫曰。至德初。雲安郡統峽中五郡軍事。乾元以後。始降爲江陵支郡。

五代時。亦曰夔州。

王建初。置鎮江軍治。

此兼領忠、萬、二州。既而移治忠州。梁乾化四年，仍治夔州。宋因之。夔州路治此，亦曰雲安郡。寧江軍節度，南渡後，并置都督府於此。元曰夔州路。明洪武四

年，仍曰夔州。九年，州改隸重慶衛。十四年，升爲府。領州一，縣十二，今仍舊。

府控帶二川，限隔五溪，據荆楚之上游，爲巴蜀之喉吭。史記：楚肅王四年，周安王二十五年，爲扞關以拒蜀。班志

魚復縣有江關。後志：魚復有扞關，蓋卽以江關爲扞關也。華陽國志：巴楚相攻伐，故置江關、陽關。陽關見重

慶府涪州，扞關見湖廣長陽縣。公孫述使將軍侯丹開白水關。見漢中府寧羌州。北守南鄭，任滿下江州。今重慶府巴縣。東據捍關，田戎出

江關，拔巫及彝道，彝陵據荆門、虎牙。見湖廣重慶。建武十一年，岑彭大破田戎於荆門，率諸軍長驅入江關。

江關，蜀之東門也。入江關，則已過三峽之險，奪全蜀之口矣。公孫述之敗亡，始於失江關也。建安十九年，先主攻維未下。維今漢州。諸葛武侯與張飛、趙雲自荊州將兵泝流，克巴東，至江州。章武三年，先主敗於

彝陵，退屯白帝。其後吳將全琮來襲，不能克。終蜀漢之世，恒以白帝爲重鎮。張氏曰：武侯治蜀，東屯白帝以備吳，南屯夜郎以備蠻，北屯漢中以備魏，是也。魏景曜六年，取蜀，遂使王濬守巴郡，謀以襲吳。晉

咸寧五年，濬帥樓船之師，東下白帝，於是丹陽、西陵所在崩潰。永和三年，桓溫西討李勢，義熙九年，劉裕使朱齡石平譙縱，皆由白帝而上。劉宋泰始二年，以三峽蠻獠歲爲抄暴，因立三巴校尉府於白帝，兼領荊州之巴東、建平、益州之巴西、梓潼郡，以鎮之。歷齊梁之季，荆、益相持，輒以巴東爲襟要。隋開皇八年伐陳，分遣楊素出永安，下三峽，陳人上流之師悉爲所敗。唐武德四年，李孝恭、李靖軍出夔州，而蕭銑喪亡。五季初，王建扼夔門，與荊南相距，其後孟蜀繼之，亦以夔爲東面之防。宋乾德二年伐蜀，分遣劉光義等由歸州進克夔州，盡平峽中地，迨蒙古入蜀，往往欲從夔州逸出，東瞰荆湖。明初，僞夏據蜀，亦固守瞿塘。湯和、廖永忠百計攻之，乃下。蓋夔州憑高據深，實水陸之津要。丁謂曰：夔城所以堅完兩川，間隔三楚。王氏應麟曰：夔州者，西南四道之咽喉，吳楚萬里之襟帶也。

奉節縣

附郭。秦置魚復縣，屬巴郡。漢因之。江關都尉治焉。後漢亦曰魚復縣。章武元年，先主改固陵郡爲巴東郡，治魚復是也。二年，又改縣曰永安。晉太康初，復曰魚復。宋齊因之，皆爲巴東郡治。梁并置信州治此。西魏改縣曰人復。隋因之，亦爲信州治。唐初亦

曰人復縣。夔州治焉。貞觀二十三年，改曰奉節縣。宋因之。明洪武九年，省縣入州。十四年，復置編戶四里。

魚復城

志云：舊治在赤甲山上。春秋時，庸國之魚邑也。左傳文十六年，楚侵庸，七遇皆北，惟裨、儵，魚人實逐之。裨、儵，二邑，與魚近也。水經注：江水東經魚復縣故城南，城故魚國。秦置魚復縣。漢因之。公孫述移於城之東南，白帝山上。在今縣城東五里。元和

志。白帝山。州城所據。與赤甲山接。初。公孫述據蜀。殿前井有白龍出。自稱白帝。因更魚復城爲白帝城。先主征吳。敗還。至白帝。改爲永安。今臥龍山下有永安故宮。白帝城周迴七里。西南二里。因江爲池。東臨瀼溪。卽以爲障。惟北一面山差逶迤。羊腸數轉。然後得上。吳朱績密書結蜀。使爲兼井之慮。蜀遣閭宇將兵五千增白帝守。是也。晉元興三年。益州刺史毛璩以桓元篡逆。帥衆屯白帝。以討之。義熙初。譙縱據蜀。置巴州於白帝。二年。益州刺史司馬榮期擊譙明子於白帝。破之。宋泰始二年。益州刺史蕭惠開遣將費欣壽東下。應晉安王子助於尋陽。至巴東。巴東人任叔兒據白帝。擊欣壽斬之。五年。分荆。益二州置三巴校尉。治白帝。梁大寶初。益州刺史武陵王紀使世子圓照將兵援襄城。受湘東王節度。軍至巴水。釋授以信州刺史。令屯白帝。承聖二年。紀將兵出峽。敗死。明年。西魏將李遷哲南略地。時蠻酋向五子王據白帝。遷哲擊走之。宇文泰因以遷哲鎮白帝。北史。周天和元年。陸騰平信州諸蠻。州舊治白帝。騰更於劉備故宮城南八陣灘。北臨江岸築城。移置信州。唐時仍治白帝城。自宋以後。益徙而西。董鉞曰。州舊治瞿峽口。景德中。始徙今治。距峽口才八里。熙寧十年。始城其地。陸游入蜀記。夔州在山麓沙上。所謂魚復永安宮也。宮今爲學基。州治在宮西。北景德中。轉運使丁謂。薛延所徙。比白帝頗平曠。然失關險。無復雄桀矣。城邑考。郡城宋熙寧中築。元初毀。明初樹柵爲城。成化十年。始築城濬池。正德初。又復營繕。有門五。城周八里有奇。

水邏城

府東境。後周天和元年。信州蠻冉令賢等據巴峽反。攻陷白帝。於江南據險要置十城。自帥精銳固守水邏。水邏城在江北。周將陸騰進討。議先取江南。剪其毛羽。然後進攻水邏。乃遣別將王亮率衆渡江。拔其八城。因分道攻水邏。路經石壁城。其城險峻。四面壁立。惟有一小路。緣梯而上。蠻蛋以爲峭絕。非兵衆所行。騰被甲先登。遂克之。水邏側有石勝城。亦是險要。令賢使其兄龍真據之。騰誘之來降。襲取其城。引兵向水邏。蠻衆大潰。斬獲無算。別將司馬裔又下其二十餘城。盡俘黨類。因爲京觀於水邏側。城。

石壘城

在府東北境。冉令賢黨向五子王據此。其子寶勝據雙城。陸騰旣平水邏。招之不從。因遣王亮屯牢坪。以圖石壘。司馬裔引兵圍雙城。騰慮雙城孤峭。攻未可拔。賊若委城遁散。又難追討。乃合諸軍周迴立柵。遏其走路。賊大駭。遂縱兵擊之。悉平其黨。胡氏曰。今歸州巴東縣北臨江有鐵鎗頭。長數丈。經數百年。不損。目曰向王鎗。疑卽諸向所據處。又雙城亦見湖廣巴東縣。

白帝山

府東十三里。峽中視之。孤特峭險。比緣馬嶺。接赤甲山。其平處南北相去八十五丈。東西十丈。故巴東郡治此。卽白帝城也。四面峭絕。惟馬嶺差逶迤可上。晉益州刺史鮑陋鎮此。爲譙道福所圍。城中無泉。乃南開水門。鑿石爲函道。設機取之。水門之西。卽灤瀨堆也。○赤甲山在府東北十五里。不生草木。土石皆赤。如人袒。卽魚復縣故址也。一云公孫述所築。山脅也。或曰以漢時警取巴人爲赤甲軍。故名。上有石城。類要云。卽魚復縣故址也。一云公孫述所築。

白鹽山

府東十七里。巖壁高峻。色若白鹽。水經注。白鹽崖高可千餘丈。俯臨神淵。是也。明初伐蜀。湯和分軍出赤甲。白鹽兩山間。遂克夔州。又勝已山。在府東九里。峯巒疊秀。巍然獨出衆山之上。因名。宋乾道中。郡守王十朋錫以今名。又府東十餘里有羊角山。下臨大江。○臥龍山。在府治東北五里。以有武侯祠而名。郡人以爲遊賞之勝。上有義泉。相傳武侯所鑿。志云。府北十五里有長松嶺。上多古松。因名。

麥子山

府北二百餘里。山延袤四百餘里。東抵湖廣之房竹。北接陝西之平利。西南則與奉雲。開萬等縣相連。內有紅線巖。篩羅巖等處。原存古寨。可容數十萬人。上有壤田。可資餉給。正德嘉靖間。羣賊皆嘯聚於此。副使張儉曾議設堡編夫。以嚴把守。尋復廢弛。

瞿唐峽

府東八里。兩巖對峙。中貫一江。灤瀨堆正當其口。爲楚蜀之門戶。又有南鄉峽。在府西十五里。餘詳見重險瞿唐關。

大江

在府城南。自重慶府忠州流入萬縣界。又東經雲陽縣南。過府境。又東入巫山縣界。自瞿唐而下。謂之峽江。夏秋水泛。兩巖扼束。數百里間。灘如竹節。波濤洶湧。舟楫驚駭。李璣曰。江出漫山。行二千餘里。合蜀衆流。畢出瞿唐之口。山疎而嶮。水激而奔。天下環瑋絕特之觀。至是殫矣。又峽程記。蜀中二百八十江。會於峽間。次於荆門。都四百五十灘。稱爲至險。其在夔州府城西者。曰虎鬚灘。杜甫所云。瞿唐漫天虎鬚怒。府東三里。又有龍脊灘。江中有石長百丈。狀若龍脊。春夏沒。秋見。餘見大川峽江及川濱異同。

大瀼水

在府城東。自達州萬頃池發源。經此流入大江。又東瀼水在府東十里。輿地紀勝。公孫述於東瀼水濱。墾稻田。屯屯。稻田水畦延袤。可得百許頃。前帶清溪。後枕崇岡。樹林蔥蒨。氣象深秀。去白帝故城五里。而多稻米。爲蜀第一。郡給諸官俸廩。

以高下爲差。夔門志。東屯諸處。宜瓜疇芋區。瀼西亦然。入蜀記。山間之流通江者。土人皆謂之曰瀼。

湯溪

府西百里。水經注。江水自胸臆縣東逕下瞿灘。左則湯溪水注之。謂之湯口。後周陸騰討冉令賢。軍於湯口。遣軍渡江。拔令賢江南八城是也。○龍洞溪在府西九十里。下通大江。志云。溪上產靈壽木。又府東南六里。舊有魚復陂。縣以此名。

青苗陂

在瞿唐東。蓄水溉田。民賴其利。又有天池。浸可千頃。志云。在奉節。巫山兩縣間。○驪泉在府南。荊州圖副。八陣圖。下東西三里。有一磧。東西百步。南北四十步。磧上有驪泉井五口。以木爲桶。昔嘗取鹽。即時沙壅。冬出夏沒云。

永安宮

在臥龍山下。一云。今府學宮是其地。先主征吳敗還。至白帝。改魚復爲永安。而居之。後人因名其處曰永安宮。王十朋曰。永安宮。今爲郡倉。據爽塏。狀如屏宮之北。有水曰清瀼。瀼出兩山間。東入於江。又東過灘湖。入於峽。峽口有山。東立羣峰外。白

也。驪

江關

括地志。在魚復縣南二十里。巴楚相攻時置。章懷太子賢曰。舊關在赤甲城。後移在江南岸。對白帝故城基。即今瞿唐關之南。屏矣。後漢岑彭傳。公孫述遣將乘枋。單下江關。卽此也。亦謂之扞關。後漢志。魚復縣有捍關。輿地廣記。赤甲城有古扞關。蓋扞

關卽江關之通稱矣。李璽曰：蜀之爲境，北以劍門爲根，東以魚復爲首。此二物者，蜀之襟喉，屬關也。戰國時，楚建扞關於此。漢置江關都尉，後漢省尉而關如故。名勝志：江關今謂之下關。城王氏曰：古之江關卽今之瞿唐關。又謂之鐵鎖關。大都以守峽口之險，今俱詳見重險置唐關。

百牢關

府東十里。王氏曰：關蓋古名，後人所增置。魏辛毗詩：夔州百牢關，兵馬不可越。唐杜甫詩：巴中之東巴東山，江水開闢流其間。白帝高爲三峽鎮，夔州險過百牢關。則百牢以喻夔險耳。非實有是關也。况辛毗時未有夔州之名乎？又石門關在府東北六十里。志云：舊名鬼門關，蓋亦傳譌也。○鳳凰關在府西五里，又府西二十里有閣溪關三十里，有鐵山關。府東北二里有呂公關，東十里有石龍關，俱唐宋以後增置。

三鉤鎮

寶宇記：在城東三里。舊時鐵鎖斷江，浮梁禦敵處也。鎮居數溪之會，故曰三鉤。唐武德二年廢，或云鎮在瞿唐峽口，卽謂鐵鎖關也。○西津口在府西，或曰大江渡口也。宋淳化四年，蜀中賊李順餘黨寇夔州，白繼贊敗之於西津口，卽此。今府西南有水磨渡，府東十里有東灩渡六十里，有小江渡。

永寧驛

府西三里水驛也。又西六十里曰安平水驛，一百二十里曰南沱水驛，接雲陽縣界。又府東南八十里有龍塘水驛，二百七十里，有馬口水驛，俱爲往來津要。

八陣磧

在府城南。元和志：在奉節縣西七里。寶宇記：在縣西南七里。夔州圖副云：永安宮南一里，渚下平磧上，周迴四百十八丈，中有諸葛武侯八陣圖，聚細石爲之，各高五尺，廣十圍，歷然綦布縱橫相當，中間相去九尺，正中開南北巷，悉廣五尺，凡六十壘。或爲人散亂，及爲夏水所沒，冬水退，復依然如故。水經：江水東經諸葛亮圖壘南。荊州記：魚復縣西聚細石爲壘，方可數百步。壘西聚石爲八行，行八聚，聚間相去二丈，因曰八陣。旣成，自今行師，庶不覆敗。八陣反壘，皆圖兵勢行藏之權也。薛氏曰：圖之可見。

者三。一在沔陽之高平舊壘。一在新都之八陣鄉。一在魚復永安宮南江灘水上。蔡氏謂廣都亦有之。則八陣凡四。然廣都土壘已殘破不可考。世傳風后握機文。則魚復圖之註。馬隆八陣贊。又握機文之註。又漢時都肄已有孫吳六十四陣。竇憲常勒八陣擊匈奴。晉馬隆用八陣以復涼州。陳勰持白虎幡。以武侯遺法教五營士。後魏柔然犯塞。刁雍上表。採諸葛八陣之法。爲平地禦寇之方。李靖對太宗言。六花陣法。本於八陣。則是武侯之前。既有八陣。後亦未嘗亡也。嚴從曰。武侯所習風后五圖。桓溫云。是常山蛇勢。徒妄言耳。常山蛇者。孫子所謂率然。蓋高直陳也。杜牧曰。數起於五。而終於八。武侯以石縱橫八行。布爲方陣。奇正之法。皆生於此。又八陣圖後有二十四聚。作兩層。每層十二聚。洪氏曰。八陣魁六十有四。重易之卦也。却月魁二十有四。作易之畫也。畫起於圓而神。故却月之形圓。卦定於方以知。故八卦之體方。方居前而畫居後。卦自畫始。方自圓生也。壁門直袤曲折翼其旁。陰陽二物也。握奇則虛一人之象也。

巫山縣

府東百三十里。東至湖廣巴東縣百六十里。楚之巫郡也。秦昭襄王三十年。蜀守張若取巫郡。尋改置巫縣。屬南郡。漢因之。後漢建安中。先主改屬宜都郡。二十四年。孫權分宜都巫秭歸爲固陵郡。章武元年。先主遣吳班馮習等破權將李異等於巫。進兵秭歸。尋敗還。孫休改置建平郡。治信陵。魏滅蜀。亦置建平郡。尉治巫。晉咸寧元年。改都尉爲郡。仍置巫。宋齊亦曰建平郡。隋廢郡。改縣曰巫山。屬信州。大業初。屬巴東郡。唐屬夔州。宋因之。今城周二里有奇。編戶三里。

巫城

在縣東北。水經注。城緣山爲墉。周十二里一百十步。東西北三面皆傍深谷。南臨大江。是也。隋移縣於今治。○南陵城在縣南大江南岸。北對陽臺山。晉南渡後置縣。屬建平郡。劉宋初廢。今縣南大江渡口猶曰南陵渡。又江陰城在縣西六十里。志云。後

周天和初置

縣建德中廢

陽臺山

在縣治北。高百丈。志云。上有雲陽臺遺址。又縣東北四里有女觀山。志云。女觀山西畔小山頂有楚故離宮遺址。俗名細腰宮。三面皆荒山。惟南望江山最爲奇麗。又鳳熊山在縣東二里。下有石灘。四季湍急如熊聲。

寒山

縣東五十里。垂巖千層。絕壑萬丈。其勢高寒。荊州記。寒山九坂。最爲險峻。陸游云。縣隔江。有南陵山。極高。大有路如綫。盤屈至絕頂。謂之百八盤。蓋施州正路也。舊南陵縣以此名。

千丈山

縣東北百里。山極秀異。高於衆山。又飛鳥山。在縣西南六十里。山高插雲。鳥飛不能越。因名。又有烏飛巖。在縣西南四十里。與燕子坡相對。水經注。烏飛水自沙渠縣南。北逕巫縣。注於江。謂之烏飛口沙渠。今湖廣施州衛。○琵琶峽。在縣治西。夾江

兩岸相對。亦

曰琵琶峯。

大江

在縣南。自奉節縣流入界。又東入湖廣巴東縣界。江行峽中。最爲險阻。縣東舊有新崩灘。水經注。江水歷峽東。經新崩灘。此山漢和帝永元十三年崩。晉太元二年又崩。當崩之日。水逆流百餘里。湧起數十丈。今頽巖所餘。比之諸嶺。尙爲竦桀。東下十餘

里。即大巫山。范成大云。神女廟東二十里。至東奔灘。高

浪大渦。巨颺掀舞。不當一葉也。東奔即新崩之譌矣。

大寧河

在縣治東。其上流即大寧縣之馬連溪也。經大昌縣流入境。下流入大江。水經注謂之巫溪。又縣東南百五十里有萬流溪。自湖廣施州衛界流經此。合於大江。○清溪在縣東十里。陸游曰。縣有清水洞。極深幽。即此溪矣。又城北有茹溪。俗謂之小

溪。

跳石鎮

在縣西北。唐雷萬春爲縣之跳石人。亦曰跳石鄉。○三會砦在縣東。宋乾德三年。劉光義等伐蜀。收復三會。巫山等砦。拔夔州。即此。

高唐驛

在縣治西。水驛也。輿程記。江行自高唐驛而東。九十里至萬流驛。入湖廣歸州境。又七十里。即巴東縣矣。○巴中驛在縣東八十里。志云。巫山陸路至巴東百八十里。烏道崎嶇。行者苦之。萬歷三年。改小橋公館。建巴中驛。巴。巫。二郡之民。始免疲困。

大昌縣

府東北二百里。東北至湖廣竹山縣二百七十里。漢巫縣地。晉置秦昌縣。屬建平郡。宋齊因之。後周以宇文泰諱。改曰大昌。置永昌郡。尋廢。隋屬信州。唐屬夔州。宋端拱初。改屬大寧監。元至元二十年。并入大寧州。明洪武十四年。復置。今縣城周不及

二里。編戶二里。縣今省。

北井廢縣

縣東南二十五里。晉泰始初置。屬州東郡。五年。改屬建平郡。宋齊因之。後周省。入大昌縣。又大昌廢城。在縣西北。宋志。縣舊在大寧監南六十里。嘉定八年。移治水口。即今縣也。

金頭山

縣東北四十里。山勢高聳。冬月積雪不消。又縣西南三里有聚奎山。亦高峻。○九水坪在縣東百二十里。志云。其下水流環匯。因名。

大寧河

在縣南。自大寧縣流入境。亦謂之昌溪。又東南流入巫山縣界。

千頃池

縣西三十六里。波瀾浩渺。分爲三道。一道東流。經縣西。爲井源。一道西流。爲雲陽縣湯溪。一道南流。爲奉節縣西瀼水。又縣南二十里有石柱潭。從巖岫間湧出。世相傳爲龍湫。

當陽鎮

在縣西四十里。有巡司戍守。

大寧縣

府東北三百二十里。北至湖廣竹谿縣三百五十里。本大昌縣地。宋開寶六年。以縣之鹽井地。置大寧監。元至元二十年。升爲大寧州。明洪武九年。降爲縣。城周二里有奇。編戶三里。縣今省。

大寧城

縣北八里。宋鹽監初置於此。丁謂夔州移城記。乾德中。伐蜀。師分劍。巫而入。時灘瀕堆高。樓船難進。步騎自襄州西山裏糧。兼行。林麓無際。澗壑相接。不知道路之所。從得蜀民詣王所獻書。由大寧路直趨夔州。平蜀之師。實取道於此。後移監於今。

治○永昌城在縣東南。志云：後周所置永昌郡，蓋始此。又永安城在縣治西，或曰東晉置永寧縣，屬建平郡。劉宋初廢，卽此城也。後譌爲永安。

鳳山

縣治東一名東山，木石蒼翠，景物幽絕。又石鐘山在縣東北十五里，與二仙山相望，上有大石如鐘，因名。志云：二仙山在縣東北十七里，鹽泉側，山高百餘丈，上下皆峭壁，有二仙洞，一名王子洞，深不可測，洞前有池，雖旱不竭。○石柱山在縣北二十里，一峯削成，與縣東剪刀峯道士峯相連，皆爲奇勝。志云：縣治東有道士峯，與東桂峯相近，又東南五里曰朝陽峯，北八里曰剪刀峯，以兩峯對峙，形如剪刀也。

寶源山

縣北二十五里，氣象盤蔚，大寧諸山，此獨雄峻。山半有石穴，出泉如瀑，卽鹽泉也。○鑪墩山在縣東北四十里，山形如墩，頂平旁峻，惟一徑可通，昔人嘗避兵其上。

馬連溪

縣西五里，源自達州萬頃池，流經縣治西，歷大昌縣，入巫山縣界，注岷江，卽大寧河之上源也。溪中有大悲口，志云：大悲口在縣治西，溪心兩巨石對峙，上廣下狹，旁有乞靈祠，諺云：船過大悲口，鹽始爲吾有，亦名南淵。

袁溪鎮

縣東北二十里，有巡司戍守，又縣北二十里有大寧鹽課司，掌鹽稅。○四十八渡在縣東二百三十里，水流曲折，爲行旅之阻，道出湖廣房山縣。

雲陽縣

府西百七十里，西南至萬縣二百五十七里，漢胸臆縣地，屬巴郡，晉屬巴東郡，宋齊因之。後周改爲雲安縣，隋屬信州，唐屬夔州。宋開寶六年，置雲安軍治焉。宋末軍廢，元至元十五年，復隸雲安軍。二十年，升雲陽州，以雲安縣省入。明洪武七年，改州爲縣，城周八里有奇，編戶九里。

胸忍城

縣西四十里，漢縣。後漢興平元年，劉璋遣趙建擊劉表，屯胸忍，是也。晉改曰胸臆縣，屬巴東郡。關騷曰：胸音蠶，臆音閏，胸臆邱，蛭也。土地下濕，多胸臆蟲也。顏師古曰：胸音勛，章懷太子賢曰：雲安西萬戶故城，卽漢之胸臆縣。後周改置雲安縣，胸臆

井入焉。志云：舊城宋爲

萬戶驛，今名萬戶壩。

雲安監城

縣西北三十里。劉陶曰：雲安多有鹽利，自漢以來皆置官司之。唐末置雲安監，五代唐長興初時雲安大昌南浦皆有鹽官，屬東川。孟知祥請割雲安十三監隸西川，以鹽直贍寧江軍屯兵。時四川分兵屯夔州以拒荆南也。明年知祥將李仁

罕陷萬州及雲安監，宋亦置監於此，屬雲安軍。熙寧四年以雲安監戶口析置安義縣。八年戶還隸雲安縣，復爲監。元井入雲安軍，明置雲安鹽課司，卽故監城矣。

飛鳳山

在縣南大江南岸，與縣對峙，以形似名。又石城山在縣治北二里。○漢成山在縣北十五里，志以爲仙真棲止之宅。

馬嶺山

縣北二十九里，與三牛山相對。漢初扶嘉言：三牛對馬嶺，不出貴人出鹽井。今三牛山去馬嶺十里，皆近鹽井。又馬鞍山在縣北三十里，亦與三牛山相連。○上下巖在縣西百里，其下巖亦名燕子巖。

大江

縣治南，自萬縣流入界。江中有磧，矯如遊龍，亦謂之龍脊。又東入奉節縣界。志云：大江經萬戶驛，旁有橫石灘，上有橫梁候館，又有寶子塔，在治東大江中。古人鑿石爲塔，以爲行舟之則。諺云：水浸寶塔脚，下舟休要錯。卽此。○小江在縣西六十里，源出

新寧縣界，流經開縣，合清江入縣境，又西南注於大江，亦謂之開江，對大江而言，謂之小江。

湯溪

在縣東，接奉節縣界。常璩曰：水源出縣北六百餘里上庸縣界，南流歷縣，翼帶鹽井一百所。巴川資以自給，粒大者方寸，中央隆起，形如張繖，因名繖子鹽，有不成者，形亦必方，異於常鹽。王隱晉書地道記：入湯口四十三里，有石資以爲鹽，大者如升，小

者如拳，資之水竭鹽成，蓋蜀火井之倫。水火相得乃佳矣。湯溪下與檀溪水合，上承巴渠水。巴渠南歷檀井溪，檀井入湯水。湯水又南入於江，所謂湯口也。○東瀨在縣東北，流入雲安場，下流入江，以水在縣東而名，非奉節之東瀨也。

天師泉

縣治西二里。每五月江水漲濁。一水自巖竇間溢出。甘潔清冽。一邑用之不竭。盡九月而止。又瀑布泉。在縣南飛鳳山之麓。下流入江。

五溪鎮

在縣西北。有巡司。舊志云。縣北三十里有鐵鑿巡司。西北三十里。則雲安鹽課司也。○巴陽水驛。在縣西二十里。又有五峯水驛。在縣南。輿程記。自巴陽驛至五峯驛。水道凡九十里。五峯驛南有橘官堂故址。漢志。胸忍有橘官。元和志。雲安縣有橘

官。此卽其治所也。又百里而接於夔州之南沱驛。

萬縣

府西四百五十里。西南至忠州二百六十里。北至開縣二百三十二里。漢胸忍縣地。三國漢建興八年。置南浦縣。屬巴東郡。沈約曰。時益州牧闔宇表改羊渠立縣。是南浦本名羊渠。蜀前此所置縣也。晉仍屬巴東郡。宋齊因之。後周置安鄉郡治焉。尋改縣曰安鄉。郡曰萬川。隋開皇初郡廢。十八年。改縣曰南浦。屬信州。大業初。屬巴東郡。唐武德初。仍屬信州。二年。置南浦州。八年。州廢。以南浦縣屬夔州。是年。復立浦州。貞觀八年。改爲萬州。天寶元年。曰南浦郡。乾元初。復故。宋因之。亦曰南浦郡。元至元二十年。以南浦縣省入州。明洪武七年。改州爲縣。今城周五里。編戶四里。

南浦城

今縣治。三國漢置縣於此。劉昫曰。後魏分胸忍縣置魚泉縣。後周改爲萬川。今本志不載也。宋唐皆爲州郡治。元省。今縣城成化末築。正德初增修。

武寧廢縣

縣西百二十里。漢巴郡臨江縣地。晉宋以後因之。後周析置源陽縣。并置南州及南郡郡治焉。尋改郡曰懷德。縣曰武寧。隋開皇初。州郡俱廢。縣屬臨州。唐屬萬州。劉昫曰。縣治卽巴子故城也。宋仍屬萬州。元因之。明初省。今武寧巡司置於此。

都歷山

在縣治北。一峯突出衆山之上。巔巍爲平阜。氣象融結爲縣之主山。又南山在縣治南。下瞰大江。圖經云。面揖南山。背負都歷。是也。○天城山在縣西五里。四面峭立如堵。惟西北一徑可登。又名天生城。相傳漢昭烈嘗駐兵於此。常璩所云小石城。

也。紀勝云：天城山三面峻壁，惟山後長延一脊，容徑尺許，累石爲門，俗亦謂之天子城，以昭烈名也。又縣西三里有西山，上有太白巖，以李白名，巖下有池，爲登臨之勝。

羊飛山

縣西南五十里。蜀鑑云：三國時有羊渠縣，蓋置於山下。又人存山，在縣西四十里，一名萬戶山。又縣西十里有魚存山，下廣上銳，巖面有石形如雙魚。又縣北八里有獅子山，志云：山形如狻猊，四面險絕，惟鼻尖可登。○木檻山在縣西百里，相傳洪

水時，惟此山木檻不動，因名。又西

北二十里有黃蘆山，與忠州接界。

岑公巖

在縣南大江南岸，盤結如華，蓋左爲方池，有泉湧出巖際，盛夏注水如簾。隋末有岑道願者隱此，因名。又縣治西有古練巖，東二里有下巖，皆幽勝。○黃金鳥在縣南三里，近江南岸，屹立江心，高數丈，土人淘金於此。

大江

縣治南，自忠州東北流入界，經縣治南，又東北入雲陽縣界。縣西六十里有湖灘，水勢險急，春夏泛溢，江面如湖。宋嘉熙中，蒙古渡湖灘，旆變震動，卽此。又有戟眉盤龍，諸磧皆在縣西江中。

苧溪

縣西五里，自梁山縣流入界，春夏漲潦，則並舟爲筏，濟往來者。溪之上流有天生橋，巨石成橋，長與溪等，平闊如履平地。溪流出其下，下流注於大江。○彭溪在縣東八十里，水經注：彭溪經胸臆縣西六十里，南入於江，謂之彭溪口，卽今開江之下流也。

舊設小彭

驛於此

北集渠

在縣東，水經注：源出高梁山，逕新浦縣西，又南百里入胸臆縣，南入於江，謂之北集渠口，別名班口。又曰分水口，又有南集渠，出涪陵界，謂之于陽溪，至縣南北流注江，曰南集渠口，亦曰於陽溪口。

西柳關

在縣西北。宋寶祐元年，蒙古渡漢江，寇萬州，入西柳關，荆湖將高達拒却之，關今廢。

集賢驛

在縣東五里水驛也。又周溪水驛。在縣東五十里。漢塗水驛。在縣西北百里。輿程記。自忠州水程東行。九十里至漕溪驛。又六十里至漢塗驛。又六十里至集賢驛。又六十里。即周溪驛也。舊志以漕溪爲巴郡巴東之界。今屬忠州。○分水公館。在縣

西百里。志云。宏治未建。又遞運所在。縣東

二十里。縣治東。又有鹽廠商賈輳集處也。

開縣

府西北四百七十里。西北至達州二百七十里。西南至梁山縣百五十三里。漢胸臆縣地。後漢建安末。析置漢豐縣。三國漢屬巴東郡。晉廢後復置。仍屬巴東郡。宋齊因之。梁仍曰漢豐縣。西魏改曰永寧。隋開皇末。又改縣曰盛山。大業初。屬巴東郡。義寧二年。析置萬州於此。唐武德初。改爲開州。天寶初。曰盛山郡。乾元初。又爲開州。廣德元年。又改縣曰開江。縣宋仍爲開州治。亦曰盛山郡。元省縣入州。明洪武六年。改州爲縣。今城周三里。編戶七里。

開江城

今縣治。地志。後漢末。劉璋所置。漢豐縣也。通典曰。先主所置。隋曰盛山。唐曰開江。自唐以後。皆爲州郡治。元省開江縣。明又改州爲縣。今縣城成化二十二年修築。周三里。

清水廢縣

縣東六十五里。漢胸臆縣地。劉宋置巴渠縣。并置巴渠郡治焉。齊梁因之。後周改縣曰萬世縣。亦曰萬世郡。隋開皇初。郡廢。縣屬開州。大業初。改屬通川郡。唐初。仍屬開州。貞觀二十三年。改曰萬歲縣。寶歷初。省。尋復置。宋初。改縣曰清水。仍屬開州。元省。○新浦城。在縣西南四十里。本漢豐縣地。劉宋析置新浦縣。屬巴東郡。齊梁因之。後周

西流廢縣

縣西北百五十里。隋志。後魏置漢興縣。西魏改曰西流。兼置開州及萬安。江會二郡。後周省江會郡。隋開皇初。并廢萬安郡。而開州如故。大業初。州廢。縣屬通川郡。唐武德初。改屬開州。貞觀初。省入盛山縣。

盛山

縣北三里。突兀高聳。爲縣主山。隋以此名縣。又縣治東有神仙山。東北五里有熊耳山。皆秀聳。志云。縣南隔江有瑞賢山。羣峯秀矗。俗呼州面山。○九隴山。在縣西二十里。九峯連峙。勢相起伏。其相近又有九折山。山形九折。俗名觀音山。志云。縣南二十